

K 12.686
2

დ.სულიაშვილი

უცნაური
ნაკადები

სახელგამი

ფურც.

4/137

საგარეო საზღვარი

~~IV-7.955~~

K 12.686
2

ფურც. 703ა.

35B 1612 703.



899.962 1—4

ს. 94

ა—1

ავტორი: ბ. ჩხეიძე

რედაქტორი: ვ. გორგაძე

კორექტორი: ახალციხელი

გადაეცა წარმოებას 27/V — 35 წ. ფორ. რაოდ. 2.

ხელმოწერილია დასაბეჭდად 15/X — 35 წ.

წ. ზ. 5×8. ქ. ზ. 72×105. ტირ. 2.000

მოავლიტ. რწმ. № ა — 2113. შეკვ. № 292.

წყალტუბო წარსულში.

გორაკებით შემორკალული გაუვალი ჭალა, ბუჩქებით და დაგუბებულ წყლების ოხშივარით, — ოდითგანვე რქცევდა სოფლიდან სოფელში მიმავალ მგზავრების ყურადღებას.

სუსხიან დილით, როცა მზის სხივები ჯერ კიდევ მთის მწვერვალზე ბზინავდა, ჭაობიან ბუჩქებში ორთქლის კოცონები ირხეოდნენ, ქანაობდნენ და გამვლელს გაოცებას იწვევდნენ...

შეუვალი ჭალა მხოლოდ ერთხელ გადალახეს მწყემსებმა, როცა დაკარგულ კამეჩს ეძებდნენ. მათ დიდხანს იარეს ამ ხშირ და ნაკადებით სავსე ბალახიან ადგილში და მხოლოდ მაშინ, როცა წუმბეში ჩაფლული კამეჩი იპოვეს — შეამჩნიეს, რომ წყალი თბილი იყო.

შემოდგომის სუსხიანი დღე იყო და ამ თბილი წყლით თვითონაც მოითბეს გაციებული ხელები, მერე მუხლებამდე ჩაცვივდნენ მდინარეში და სხეულში დამატკბობელი ჟრუანტელი იგრძნეს.

ამის შემდეგ მწყესები მუდამ აქ მორეკავდნენ ხოლმე თავიანთ საქონელს, წყალში ფეხებს ითბობდნენ და ნახირს მწვანე ბალახზე აძოვებდნენ. ისინი თანდათან ეცნობოდნენ გარემოს და ჰკვირობდნენ მდინარეში ამონადენი წყაროების ჩუხჩუხით და მისი გასაოცარი სითბოთი.

ეს თბილი წყლები უცნაური იყვენ თავისი არაჩვეულებრივი თვისებებით! შემოდგომის ცივ დილაზე ნისლის ქულები ლეჩაქების ნაფლეთებად მოეფინებოდა არე-მარეს და მზის ამოსვლამდის თეთრ ტალღებად ირხეოდა...

ხოლო, რაკილა გრძელი ჩრდილები შემოკლდებოდა, არე მწვანით მოიფინებოდა, ნისლის ქულები გაქრებოდნ და მდინარეები აქლურტულდებოდნ, მაშინ შემცივნებული მწყემსი-ბიჭები, მთის კალთებიდან და გორაკებიდან თავიანთ საქონლით დაბლობში ეშვებოდნ, საქონელს ხშირ ბალახში მირეკდნ და ერთმანეთთან შეჯიბრით გუბეებისაკენ გაიქცეოდნ; სწრაფად ფეხთ გაიზდიდნ და მუხლებამდის წყალში ჩაცვივდებოდნ. ისინი ამჩნევდნ როგორ ალერსიანად ათბობდა ნაკადი სხეულს და საამო ჟრუანტელის მომგვრელ ნაპერწკლებსაც აფრქევდა კუნთებში და საკვირველი გამოუცნობი რამ იყო ამ წყლების ხასიათი! მშობლიურ ალერსით გარს ეხვეოდა, ხვერდივით ღბილი ღუტუნით და ჟღურტულით რგვალი თეთრი ბუშტები მუხლთან მიცურავდა და, ზევით რომ ამოვიდოდა, რგვალ ყვავილებათ გადიშლებოდა.

შემოდგომასა და ზამთარში ეს ადგილი მწყესების საყვარელი ადგილი იყო, რადგან მუდამ ბალახით იყო მოფენილი და თბილოდა კიდევ.

ერთ შემოდგომის პირად პატარა მწყემს ბიჭებში ხნიერი, შორიდან მოსული, მწყემსიც შეერია. მას მუხლების და მკლავების სახსრები ჰქონდა დახუთული და, რადგან სხვა სამუშაოს შესრულება არ შეეძლო, ბატონმა მწყემსობა მიანდო, თუმცა ძვლებში გამდგარი ქარებისაგან, თითქმის წართმეული ჰქონდა მოძრაობის უნარი და ჯოგის მოვლაც უძნელდებოდა.

ბიჭებმა რომ მის დახუთულ მუხლებს შეხედეს შე-
ბრალებით დაუწყეს მზერა, მალე დაიხლოვეს იგი,
თავიანთ წრეში მიიღეს და თბილი წყლის გუბებზე
შესთავაზეს.

ახლად მოსულმა, ბიჭების დახმარებით, შეხუთული
მუხლები გაჭირვებით ჩაუშვა თბილ წყალში და როცა
საამო ჟრუანტელმა სხეულში დაურბინა, მის მჭმუნვარე
სახეზე ღიმი გამოკრთა. ასეთი ტკბილი, ლბილი და
ამოთოთოლებელი იყო ნაკადის ალერსი. მან ვერც კი
შეამჩნია, რომ აკარწახებული შარვალი უსველდებოდა
და დიდხანს პირზე არ სცილდებოდა ღიმი.

— კაი, ბიძია, ახლა ვერ ხედავ როგორ დასველდა
შარვალი?— შენიშნეს მწყემსებმა. მაგრამ შარვალს ვინღა
დაეძებდა — ისეთი ტკბილი, ისეთი საამო იყო წყლის
ბუშტების ჟღერტული!

— მოდი, ბიძია, ახლა ჩილიკაობა ვითამაშოთ! — ნა-
ხევრად ხუმრობით, ნახევრად გამკილავად უთხრეს ახ-
ლად მოსულს.

ხანში შესული მწყემსი ახალგაზრდა ბიჭების ხუმ-
რობას ყურადღებას არ აქცევდა — მას სისხლი უჩხრი-
ალებდა გულში და ტკბილი სითხე სცურავდა სხეულში.

შეყვარებულ ვაჟივით მიისწრაფოდა იგი ყოველ დი-
ლას დაბლობისაკენ და მყისვე თბილ წყლისაკენ ეშუ-
რებოდა. იგი გრძნობდა, თუ როგორ იკლო ტკივილებმა
მუხლებში, როგორ ემატებოდა ძალა კუნთებში და სია-
რულიც უადვილდებოდა. იმასაც ამჩნევდა, რომ მიზეზი
ეს თბილი წყლები იყო. სდუმდა, არაფერს ამბობდა.
სიხარულს არავის უმჟღავნებდა.

მეექვსე დღეს მუხლი გასწორდა.

გული ისეთი სიამით და ამაყობით სცემდა, როგორც
სცემს გული მწვერვალზე ასულ მიზანმიღწეულ ტუ-

რისტისა. მან მუხლებში ძალა იგრძნო და იქით გაიქცა, სადაც ახალგაზრდები თამაშობდნენ... მირბოდა, ბალახი უკან რჩებოდა და გაბრწყინებული თავალებით მწყემსებს უმზერდა.

მინდორზე მოთამაშე ბიჭებმა მათკენ მომავალი მწყემსი რომ შენიშნეს, თამაშობა შეწყვიტეს და განცვიფრებით შეხედეს.

— რაა ბიძია აგი! რაფერ მოხდა? აქნამდე გვატყუებდი თუ? — შეეკითხნენ ახლო მოსულს.

— არა ძმაო, არა! რაღა გატყუებდი! რაფერ მოხდა მეც არ ვიცი! ამ წყალმა მიშველა ალბათ! პირველადვე ჩავედი თუ არა, რაცხა შვება ვიგრძენი. მერე თანდათან ტკივილები შეჩერდა, ჰო და, მაშინ მივხვდი რომ იგი მშველოდა. ამიტომ იყო რომ ნაკადს აღარ ვცილდებოდი!

— უსათუოდ, უსათუოდ ამ წყლის ბრალია! — სთქვა ერთმა ახალგაზრდამ.

— მე სხვა ზომები არაფერი მიხმარია და აბა რა მომარჩენდა!

მწყემსი ბიჭები გარს ეხვეოდნენ, მუხლებს უსინჯავდნენ, კუნთებს ჩქმეტდნენ, მიატრიალებდნენ და მოატრიალებდნენ. განცვიფრებული თავალებით ათვალიერებდნენ...

— აბა, ახლა კი მართლა უნდა ითამაშო! — შესძახეს მწყემსებმა. მოჰკიდეს ხელი, შეანჯღრიეს, ერთმანეთს მიაჯახეს და მერე თამაშობაშიც ჩაირიეს.

— ა, ძმაო! სასწაული თუ გინდა ეს არი! მერე რაღა ხტუნავს ვერ ხედავ?

— მე წინადაც ვამბობდი, რომ ეს წყლები უბრალო არაა თქვა, მაგრამ ვინ გიჯეროდა!... — სთქვა ერთმა.

— მეც ქე გამიგონია — საცხა ყოფილა იმისთანა წყალი, წელში მოხრილს რომ გაასწორებს თურმე! მარა

ის კი აღარ ვიცოდი, თუ აქვე იქნებოდა — ჩვენთან, ასე
ახლო!...

— ჩვენ სოფელში რო დაბუთულია, ის უნდა წამო-
ვიყვანო აქანე, ნახე თუ ისიც არ მორჩეს!...

— მერე როგორ წამოიყვან, რო სიარული არ შეუძ-
ლია!

— ურმით, ბეჩა, ურმით!

ეს მოხუციც ჩამოიყვანეს წყალში ჩაუშვეს და,
რამდენიმე დღის შემდეგ, იმანაც სიარულ დაიწყო.

ჯერ მახლობელი სოფლიდან მეორე სოფელში, შემ-
დეგ შორეულში და მერე მთელ იმერეთ-გურია სა-
მეგრელოში გავრცელდა ხმა ამ წყლების სამკურნალო
თვისებების შესახებ და, როგორც დღეობაზე გამგზავრ-
ებული ხალხი, ისე ამ წყლებზე მომავალი გლეხობა —
ურმებით, ოჯახებით, ლოგინით და სასმელ-საჭმელით,
ზაფხულ-შემოდგომაზე, ავსებდა ნაკადების გუბეებს და
ქარებისაგან იკურნებოდა.

ხალხმა მას წყარ-ტიბუ“ უწოდა რაც მეგრულად
თბილ წყალს ნიშნავს.



სამივე მხრიდან წყალტუბოს გარს შემორტყმია პატა-
რა გორაკები. ამ გორაკებზე გაფანტულია მახლობელი სო-
ფლები, თავისი ბროწეულიანი ორღობეებით, კლდოვანი
მალღობეებით, ვენახებით, ყანებით და იმერული ლამაზი
ეზოებით. ხოლო გორაკების იქით, ჩრდილოეთისაკენ,
აყუდებულია მაღალი, შავი მთები.

მრავალ ფერიანი იმერეთის პეიჟაჟი, თავისი ტალღე-
ბისებური მალღობეებით, ლბილი და დამაამებელი ჰავით,
ვენახებით, დობილოებით, ლეღვისა და კაკლის ხეებით,

გახლეჩილი ბროწეულებით—თვალს იტაცებს, აგაფრთო-
ვანებს და ერთხელვე შეჩვეულს მუდამ თავისკენ გიზი-
დავს.

თვით წყალტუბოს აბანოები გობისავით მორკალულ
მწვანე მინდორზეა მოქცეული და მოფენილია ქაობი
სქელი ბალახით.

ეს ტაფობი შუაზეა გაბზარული მდინარე წყალტუ-
ბოთი, რომელიც იქვე კლდოვან გორაკის გამოქცაბული-
დან გამოდის და, თავისი ღრმა კალაპოტით, მდორეთ
მიემართება დაბლობისაკენ.

აბანოების გარშემო გაშლილია პარკი. პარკის გაყო-
ლებაზე გაფანტულია ნაკადები, რომელნიც ნელი მსვლე-
ლობით, ორივე მხრიდან მდინარეს ერთვიან. თბილი
წყაროები გუბებებად გაფანტულია ტრიალ მინდორზე და
ცივ ამინდში ზედა პირზე გაფენილი ზეწრები ნელი ნია-
ვისაგან მსუბუქად ირხევიან.

წყალტუბოს გარშემო გორაკებია და ამ გორაკებს
ჯილად თავს წამოდგომიან ლეჩხუმისა და სვანეთის
მთები, ჩრდილოეთ-აღმოსავლეთით მას რკალავს სამ-
გორის, ხოლო სამხრეთის მხრიდან—აჭარის მთები, რომ-
ლებიც მას ყოველ დილა-საღამოს ამომავალ და ჩამავალ
მზის სხივებით ესალმებიან.

დასავლეთისაკენ გობის პირი მომტვრეულია. ამით
სარგებლობს მდინარე წყალტუბო, რომ სამეგრელოს
დაბლობით შავი ზღვის ტალღებს შეუერთოს თავისი
ტალღები. ამ გარემოს თან ახლავს ლამაზი და ბუნები-
საგან უხვად დაჯილდოებული ადგილები.

წყალტუბოში სამკურნალოდ მოსული, მის მიდამო-
ებში გაივლის. უკან დაბრუნებული აღტაცებით გადას-
ცემს ამხანაგებს ბუნების საკვირველებათა მოვლენებს —

...„არა, უსათუოდ უნდა წახვიდეთ და თქვენი თვალით ნახოთ — ამბობს ის აღრფთოვანებული — უნდა ნახოთ მთიდან მომდინარე ნაკადი! როცა მას გაყვებით და მოინდომებთ მის დასაწყისში, — გორაკის ძირში, ცივი წყალი დალიოთ, თქვენი გაოცება საზღვარს გასცილდება, რადგან ნაკადი მთის ძირიდან კი არ გამოდის, არამედ მის წიაღში იკარგება! გახედავთ და გეგონებათ თითქო აღმართზე ამოდიოდეს. ძლივს შეამჩნევთ, რომ დასაქანი წყალს გორაკისკენ აქვს და მის გამოქვამულში ინთქება, ქვების გროვაში გველივით ძვრება და იმალება...

კიდევ გაივლით და მსუილით შემკრთალი, თვალებს გააფაციცებთ: კლდიდან ჩანჩქერი მთებში ქაფად იღვრება და თეთრი მტვერის კორიანტელს აყენებს.

ქვეით, გზის პირად, ძაბრივით ამოთხრილი დიდი ორმოა, სადაც წვიმების დროს ამღვრეული ნაკადები გროვდება. ძაბრი ივსება, მორგვალელებული ტბა ლივლივებს, ხოლო ზაფხულში წყალი ნელნელა მიწაში ისრუტება და რჩება ამოღრმავებული ორმო.

ვენახის ღობესთან მიმავალი დედაკაცი უცბად ჭასავით ამოთხრილ მიწის წიაღში ჩაიმალება. განცვიფრებული მიაღებებით ნაპრალს, ხედავთ — დედაკაცი წყლით სავსე კოკით ამოდის ზევით. დააკვირდებით და შეამჩნევთ, რომ თქვენს ფეხებთან მდინარე მომზუის. ხოლო პატარა ნაპრალიდან დაინახავთ მის ატალლებულ ზურგს, რადგან მიწის ქვეშა წყალი, სრიალით და ქმუილით დაბლობისაკენ ეშურება... ზევიდან ცის ნატეხი დაგცქერით. ანკარა წყლით შუბლს შეიგრილებთ, ხოლო ზევით რომ ამოხვალ დედამიწის სიმხურვალე და თვალმოშორელი მზის სხივები შეგაკრთობთ...

მანლობელ სოფელ ხომულში არის ძველი ციხის ნანგრევები, ხოლო მის ძირში კლდის ნაპრალი სიღრმეში წასულ ღელეს უერთდება. თოკივით დაკლაკნილ ბილიკით ჩახვალ დაბლა და, როგორც ჭიდან, ისე შეხედავ ზევით გაბობილ კლდის ღრუს, ცის ნატეხს, რომ დაგანახვებს. ფეხებთან მიხშუთს მიწის ქვეშა უახლოესი მდინარე. იგი ლოდებისა და ქვების ძირიდან ცივი ქარით უბერავს, ხმაურობს და მიჰქუხს...

მინდვრებზე და გორაკებზე მოულოდნელად წააწყდებით გვირაბებს, წყალვარდნილებს, გამოქვაბულ კლდიან გორაკებზე ჩამოკიდებულ მოზრდილ ქვებს. აქვე ნახავთ ყველაზე შესანიშნავ გვირაბს — ეს არის წყალტუბოს სტალაქტიტური გვირაბი. პატარა გორაკის ძირში შავი გამოქვაბული შესასვლელი ბნელად გამოიყურება და ძველებურ ზღაპრულ მღევებისა და ტყის კაცების სადგომს მოგაგონებს.

შიგ რომ შეხვალ — ცივი ჰავა სხეულს სინესტით მოედება. მიწა სველია, ტალახიანი და ლიპი. ჩირაღდნით განათებული კედლები ჩუქურთმებით მოწყობილ დარბაზს წააგავს. თალიდან ჩამოშვებული მარმარილოს ფერი ჭაღი, თითქო ელექტრონის ლამფების მოლოდინში, მჭიდროდ მიკვრია მორგვალეებულ ქერს. კედლები მოხატულია სხვადასხვა მოხაზულობის, მსხვილი სპილოს ხორთუმებივით ჩამოშვებული, სვეტებით და ჩურჩხლისებურად დაკლაკნილი ლოლუებით.

ზევიდან ჩამოკიდებულან ძუძუს მსგავსი სტალაქტიტები, ქვევიდან კი აზიდულან შაქრის თავებივით წოწოლა სვეტები — სტალაგმიტები.

ჩირაღდნით განათებულ გვირაბში დადიხართ აღტაცებული, როგორც მორთულ და გამშვენებულ ოთახებში და კვირობთ — ეს, საუკუნოების განმავლობაში ბუნების

მიერ მოწყობილი გვირაბი რატომ მეტ ყურადღებას არ იქცევს მცხოვრებლებისას და რათ არის იგი ასე მიტოვებული!...

მთელი ეს სილამაზე თავის ელფერს ჰკარგავს, რადგან შექცევადი ხირადნით განათებული გვირაბი არ სტოვებს მთლიან შთაბეჭდილებას. გონების თვალთა წარმოდგენით იმ მომავალს, როცა მას სხვადასხვა ფერის ელექტრონის ლამფებით გაანათებენ, ბილიკს გაიყვანენ და შიგ სიარულს სასიამოვნოს გახდიან, მაშინ წარმტაცი და აღმაფრთოვანებელი იქნება ეს სტალაქტიტური გამოქვაბული.



პირველ სასწაულ-მოქმედების შემდეგ, წყალტუბოს სახელი თანდათან გავრცელდა. ზაფხული და განსაკუთრებით შემოდგომა იყო ის დრო, როცა წყალტუბოს აბანოები სამკურნალოდ მოსული გლეხობით ივსებოდა.

გლეხები მიდიოდნენ, როგორც დღეობაზე, ურმებით, ოჯახობით, სასმელ-საჭმელითა და ლოგინით. ამ მოგზაურობასთან შეზავებული იყო, როგორც მკურნალობა, ისე დროს ტარება. შემოდგომის მოსავლიანობის მიღების შემდეგ—დასვენება და ნაცნობ-ნათესავების ნახვა.

აბანოს მიღება ხდებოდა პრიმიტიულად. გლეხები არავის ეკითხებოდნენ, არც ვინმე მათ არიგებდა, თუ როგორ, რამდენჯერ და რამდენხანს უნდა დარჩენილიყო აბანოში. ბანაობდა როგორც მას მოესურვებოდა და რჩებოდა გუბეში — სანამ არ მოეწყინებოდა.

თბილი წყლები თავის თვისებებს არავისთვის იშუარებდნენ და ჟღერდნენ-ჩუხჩუხით ყოველ სხეულს ეალერ-

სებოდენ, ეხვეოდენ, ტკივილებს უამებდენ და კურნავდენ.

ასე გრძელდებოდა ათეული წლები.

ხოლო მალე წყლების პატრონმა ამ გარემოებას ყურადღება მიაქცია და აბანოები თავის საცხოვრებელ წყაროდ გადააქცია.

ვინმე გიორგი იოსელიანი, მაღალი, ახოვანი აზნაური, ღიმილით და გულში ტკბილი ღიტივით შეუდგა ამ საქმეს. და თავის გვარეულობიდან პირველმა დაიწყო მზრუნველობა. მან თავისი ტკბილი სიტყვით, მოხერხებით, მოტყუებით, ჩარჩობით და ზოგჯერ მუქარით — ხელში ჩაიგდო თითქმის მთელი წყალტუბო.

აბანოების გარშემო დააგო ორიოდ ფიცარი, რომ ტანისამოსის გახდისა და ჩაცმის დროს ტალახით არ გასვრილიყვენ მოაბანოვეები. შემდეგ დიდი გუბე — დიდი აბანო — შუაზე გაყო ფიცრულით, ქალებისთვის და კაცებისთვის.

აბანოების გვერდით მოსულთათვის ფიცრული შენობა ააგო, ბინების განწყესებისთვის და ბილეთების გაყიდვისათვის პატარა კანტორა დააწესა, თვითონ გვერდით მოუჯდა და აბაზიანებით ჯიბე აივსო.

მოსული გლეხობა დიდ აბანოს ეტანებოდა. აბანოში ჩადიოდა ნაყიდ ბილეთით და იქვე, წყლის პირზე სვამდა სოფლიდან წამოღებულ მაჭარს და ისევ გუბეში ბანაობდა საათობით.

გლეხები თავის გამოცდილებით თვითონ არკვევდენ აბანოების თვისებებს. მათ ერთ აბანოს „დიდი აბანო“ დაარქვეს და ეს იყო ყველაფრის გამკურნავი, მას ეტანებოდა დიდი უმრავლესობა. მეორე აბანოს მათ დაარქვეს „თავის ტკივილის აბანო“, მესამეს — „კუჭის წყალი“, სხვას — „კოდის წყალი“.

გიორგი იოსელიანი აბაზიანებს კი იჩხრიალებდა ჯი-
ბეში, ხოლო აბანოების ამშენებლობისათვის კი ნაკლ-
ბად ზრუნავდა.

წყალტუბო მაინც იზრდებოდა, ვითარდებოდა, მომ-
სვლელები თანდათან ემატებოდა და რადგან საცხოვრე-
ბელი ბინები არ ყოფნიდა — ღამეს ურმის ქვეშ ათენებ-
დენ. გლეხები იქვე ხარშავდნენ მოტანილ ღორის ხორცს
და იქვე აფიცებდნენ ცეცხლზე ჭადს.

აბანოზე მოსვლას ეძლეოდა ღლეობის ხასიათი: აყი-
რავებულ ურმის ქვეშ იწვოდა წვადი, ფიცხდებოდა ხა-
ჭაპური, ტიკიდან ისხმოდა ღვინო და გაისმოდა მრავალ-
უამიერი.

დიდი აბანოს პრიდაპირ გაშენდა პარკი — ხეივანი.

მივიდნენ ვაჭრები და სამკურნალოდ მოსულ ხალხს
მოუტანეს პური, ყველი, ღვინო, ხორცი, სპიჩკა, სანთე-
ლი, ნავთი, საპონი და სხვა და სხვა... ამას მოყვა ადმი-
ნისტრაცია — ჩაფრები და პოლიციელები. შემდეგ და-
წესდა ფოსტა, აფთიაქი და სოფლის კანცელარია.

კიდევ მოემატა საცხოვრებელი ბინები, სახარჩოები და
სამიკიტნოები.

იოსელიანი კვლავ აბაზიანებით ივსებდა ჯიბეებს,
ხოლო გლეხების ერთად-ერთი კურორტი წყალტუბო
ისევ პრიმიტიულ მდგომარეობაში რჩებოდა...



შემდეგში, როცა აბანოებმა თავისი გაიტანეს, და
ხალხი დარწმუნდა მის სასწაულ-მოქმედ თვისებაში,
როცა ყველგან გავიდა ხმა მისი სამკურნალო თვისებისა—
წყალტუბოში სიარული იწყო უამრავმა ხალხმა.

კურორტის მდგომარეობა ისევ იმ პრიმიტიულ ყო-
ფაში იყო და გაუმჯობესებისათვის არავინ ფიქრობდა...

ასე მიდიოდა წლები...

ბურჟუაზიული-მენშევიკურ ბატონობის დროს წყალ-
ტუბოს ცხოვრება არაფრით შეცვლილა. იგივე ხალხი
მიდიოდა იქ თავიანთ სნეულებათა განსაკურნებლად,
ხოლო ძველი მთავრობის „ჩინოვნიკების“ მაგიერ ახლა
ახალი საეროებო და სამოქალაქო თვითმართველობების
მოსამსახურენი ავსებდნენ წყალტუბოს წყლების გუბეებს.

უამრავი გლეხობა ზაფხულ-შემოდგომობით კვლავ
ურმებით, ლოგინით და სურსათ-სანოვაგით მიაღებოდა
აბანოებს და, ქარებისაგან დახუთული, იქ შვებას იგრძნო-
ბდნენ. კვლავ გიორგი იოსელიანი ფლობდა ამ წყლებს.
იგი აღებულ ფულს, ნაწილობრივ თავის მოგვარეებს გა-
უყოფდა, რომელნიც მუდამ ლანძღვით, ჩხუბით და გინე-
ბით ისტუმრებდნენ მას და მაინც მის მზრუნველობას ვერ
სცილდებოდნენ.

1920 წელს, მენშევიკებმა კურორტ წყალტუბოს ნა-
ციონალიზაცია მოახდინეს და იჯარით გასცეს იგი. ამით
არსებითად არაფერი შეცვლილა და წყალტუბო იმავე პი-
რობებში რჩებოდა.

მისი ნაკადები კვლავ გუბეებად მიმდინარეობდნენ.

ისევ გაჭირვებული გლეხობა, გაჭირვებით იღებდა
აბანოებს. ისევ მოუწყობელი აბანოები, ტალახიანი გზე-
ბი, გაუნათებელი ქუჩები, სამიკიტნოები და სახარჩოები...

ისევ თავადები და ისევ დროიძეები და მკლავაძეები
მოდიოდნენ აქ, უფრო დროს გასატარებლად, ვიდრე სა-
მკურნალოდ, ამას ემატებოდა ახალი მთავრობის ახალი
„ჩინოვნიკები“ და გვარდიელები.

მგზავრებით დატვირთული ტრანსპორტის კავშირის ავტომობილი, ქუთაისის მიხვეულ-მოხვეულ ქუჩებს გასცილდება. მაშინ, როგორც ტალღებში მცურავი ნავი, ისე შევარდება იგი იმერეთის გორაკიან აღმართზე და რხევით დაეძანება მის კალთებზე. შემქმნდროებული მგზავრები, ქანაობით, ხან ერთ მხარეს გადიხნიქებიან, მუხლებზე დაწყობილ ბოლჩებით და კალათებით, ხან მეორეზე. ავტომობილი მიჰქრის და წყალტუბოს წყლებზე სამკურნალოდ მიმავალ ავადმყოფებს მიაქროლებს.

უეცრად დაღმართზე დაქანებული ავტო, მალე ისევ მაღლობზე ამოცოცდება და მაშინ მგზავრების თვალის წინ გაიშლება საუცხოვო პეიზაჟი მრავალ-ფერიან იმერეთის გორაკებისა. თვალი ვერ ასწრებს აღბეჭდოს ყოველი სილამაზე, ყოველი კუთხე ნაირნაირობისა. ავტომობილი მიჰქრის და უკან რჩება მინდვრიანი ეზოები, ყოროთ აშენებული ორღობეები, ბროწეულისა და კომშის ტოტებით დაჩრდილული შარა-გზა, ყანები, ვენახები, დობილოები, ჭიშკრები და ფეხშიშველა განცვიფრებული ბავში, ბატების გასარეკად სახრით ხელში...

აგერ უკანასკნელ აღმართზე ამოცოცდა ავტომობილი. მაშინ თვალებგაფართოებული მგზავრები, დაბლობში რომ გაფანტულ თეთრ შენობებს შენიშნავენ, განცვიფრებით ერთმანეთს შეეკითხებიან, —

„ეს არის წყალტუბო?!“

„სად არის იგი, რომელია?“

„ეს არის, ეს!.. აგერ დაბლობში!..“

„აგერ ის თეთრი შენობები რომ მოსჩანს! აი ის, მაღალი ორსართულიანი სახლი, წყალტუბოს სასტუმროა! ქვეით სანატორიუმია, აი, იმ მაღლობზე, დასასვენებელი

სახლი და სულ დაბლა, გაფანტულ ბატებივით რომ ჩაქოქილა, ეს თვით აბანოებია.

შემჰიდროებული, ძალზე დატვირთული ავტო დაბლობისკენ მიჰქრის. მგზავრების გულები აფეთქებულია, თვალები გაბრწყინებული. ქვეით კი, ტრიალ მინდორზე, თეთრი ბატებივით გაფანტული შენობები თითქო მოძრაობენო, ხან ერთმანეთს მიეფარებიან, მერე ისევ გამოჩნდებიან, დაიმალებიან, ბრუნავენ და ადგილს იცვლიან...

დაღმართზე დაქანებული ავტო რხევით გაიქროლებს ასფალტიან ქუჩაზე და გვერდით მიიტოვებს სანატორიუმის თეთრ შენობებს, ხეებით შემომწყვრივებულ ბაღს და პატარა მოედანზე შეჩერდება.

მაშინ ჯდომისაგან დაღლილი და მუხლებში მოკეცილი მგზავრები, ჯერ წამოდგებიან, გასწორდებიან, კალათებს ხელში მოიმარჯვებენ და ავტომობილიდან ჩამოცივდებიან, ბარგით ხელში. მოსულები სხვადასხვა სანატორიუმებისაკენ, სასტუმროებისკენ და დასასვენებელ სახლებისკენ გასწევენ. აქ წარუდგენენ ისინი თავიანთ მოწმობებს და საწოლი ოთახის და საცვლების მიღების შემდეგ გარეთ ეშურებიან...

ყველა ჩქარობს, ფაციფუცობს, ესწრაფვის მალე დაბინავდეს და გაიგოს ამ წყლების საოცარი თვისებანი. ეშურება წყლების იდუმალება მალე გაიცნოს, დაისვენოს, ნერვები დაიმშვიდოს და ტკივილებისაგან განიკურნოს. ამიტომ მირბიან, გზაში ადრე მოსულებს რომ შეხვდებიან, პირსახოცებით და ზეწრებით ხელში, შურიანი თვალით შეხედავენ მათ და რომელიმე ნაცნობს შეეკითხებიან აბანოების მიღების წესრიგს.

ცნობის-მოყვარეობით იკითხებიან. —

„არის აქ ფოსტა? არის კოოპერატივი? არის გაზები?
თები?

გებულობენ, რომ ეს ყველაფერი არის.

„ეს რა შენობაა?

„ეს პოლიკლინიკაა!

„ესენი?

„სანატორიუმებია!

„იქ, გაღმა რაღა შენობაა?..

„ის ცაკის დასასვენებელი სახლია! ეს დიდი შენობა,
ხომ იცი, სასტუმროა! ეს კიდე კურორტის სამმართვე-
ლოა!..

„რამდენი აბანო მოქმედებს ახლა აქ?

„ხუთი!.. ეს ყველაფერი გაშენდა ხუთი-ექვსი წლის
განმავლობაში! ბელადი იყო აქ, ჩვენი საყვარელი დიდი
ბელადი — გებულობენ ახალ მოსულნი — მან მიუთითა
ამხანაგებს კურორტის დიად მშენებლობაზე და ახლა,
ხომ ხედავთ, როგორი აღმშენებლობაა ფეხმოკიდებული!

აგერ, ეს მდინარე ღრმა კალაპოტით რომ ჩაუდის
გვერდით თბილ ნაკადებს, წვიმების დროს ტალახიანი
რუებით ივსება, კალაპოტს სცილდება და აბანოებში
შემოდის თავისი ცივი ტალღებით. მაშინ თბილი წყლებიც
თავის თვისებებს კარგავენ: იმღვრება და საბანაოდაც
მიუღებელი ხდება.

ახლა კი მდინარე არხში წავა, თბილ წყლებს გვერდით
მოუვლის. მეორე მხრითაც ამნაირივე არხი წვიმის რუებს
ააცდენს აბანოებს. მაშინ თბილი ნაკადები დაცული
იქნება წვიმების გამო აღიდებულ მდინარის შემორევას
და თბილი და ანკარა ნაკადი როდი-ლა გააცდენს საბა-
ნაოდ მოსულ ავადმყოფს!

აი, ამ პარკში მოთავსდება კიდევე მუხუთე, მეექვსე,
მეშვიდე და მეცხრე აბანოები. გამოყენებული იქნება

თბილი წყლების ყველა წყაროები. პარკის გარშემო ვა
გამრავლდება სანატორიუმები, გლეხთა სასახლეები და
სასტუმროები....

ახლად მოსულნი, ჯერ კიდევ პირველი შთაბეჭდილებით
გაბრუებულნი, ვერ ამჩნევენ წყაროების გარშემო
გაფანტულ მუშათა საცხოვრებლებს. ეს კი დიდი გარდა-
ქმნის და დიდი მშენებლობის მომასწავებელია! ორი
არხი, აბანოებს რომ რკალივით ერტყმის, წვიმების დროს
ამღვრეულ მდინარისაგან დაიცავს. აბანოები მოექცევიან
ბილიკებით ლამაზად დაყოფილ ხეივნიან პარკში. გარ-
შემო კი თეთრი შენობები — სანატორიუმები, კლინიკები
და სასტუმროები, თავს მოუყრის სამკურნალოდ ჩამო-
სულ საბჭოთა მოქალაქეებს. სულ მოკლე ხანში წყალ-
ტუბოს არეში შემოვა რკინის გზა და მისი მიდამო შე-
ირხევა ორთქლმავლის ყვირილით.

აგერ იქით, აი, იმ დაბლობისაკენ, პატარა გორაკის
ძირში აიგება წყალტუბოს რკინის გზის სადგური.

იზრდება და ვითარდება წყალტუბო.

ყველას ყურადღებას იპყრობს დიდი, ოთხსართულიანი
სასტუმრო, მის გარშემო მთელი დღე მზე ტრიალებს და
ამაყად დასცქერის მთელ წყალტუბოს!

ქვემოთ, რიგზე ჩამწკრივებული სანატორიუმები,
მაღლა გორაკზე სამსართულიანი შენობა — პროფკავში-
რების სანატორიუმი. იქით, — ცაკის დასასვენებელი შე-
ნობაა ამ დიდ ქუჩაზე კოოპერატივი, კიდევ საქვაჭრო-
ბის მაღაზია, სასადილო და სხვა...

სამკურნალოდ მოსულნი, ახლა უმთავრესად მუშა-
მოსამსახურენი არიან. ესენი ავსებენ ქვილ-ხვილით
აბანოების გუბეებს და ორი კვირის განმავლობაში
წყალტუბოს ნაკადებით ტკბებიან და იკურნებიან. სხვა-

და სხვა მხრიდან მოსული მუშები დასვენებულ-განკურნებული კვლავ თავიანთ სამუშაოს უბრუნდებიან.

აბანოს წყლები კი ისეთი თბილია და ისეთი ტკბილია, რომ ამოსვლა აღარ გინდა! ჟღერტულით უვლის მისი ტალღები სხეულის გარშემო და თეთრი ბურთები, ლუტუნით რომ ამოცურდება დაგუბებულ წყლის ზედა პირზე, ყვავილივით გაიშლება.

დამატკობელ სითბოს ვეღარ სცილდები და, როცა ოცი წუთი გაივლის, არ გჯერა, არ ერწმუნები, თუ ასე მალე გაივლიდა საბანაოდ დანიშნული დრო და გეზარება ამოსვლა...

აბანოში საკაცით მოყავთ მუხლებ დახუთული ავადმყოფი. ორი სანიტარი იმას ტანთ გახდის და წყალში ჩაუშვებს.

„ეშველება რამე? ნუთუ გაიკურნება?“ — კითხულობენ მოსულები.

„როგორ არა! ჩემი თვალით მინახავს! შარშან რომ აქ ვიყავი, მაგისტანა ავადმყოფი მოიყვანეს, ოთხი თუ ხუთი დღის სიარულის შემდეგ, საკაცეს თავი მიანება და ყავარჯენით მოვიდა, ხოლო კიდევ რამოდენიმე დღეს შემდეგ ყავარჯენიც მიატოვა და ჯოხით დაიწყო სიარული. წამოსვლისას კი ჯოხს ხელში ათამაშებდა და ამბობდა — „ახლა წყალტუბოს ვერავინ მომაშორებს და ყოველ წელს აქ ვივლიო“...“



ორი კვირით შვებულებაში მოსული მაღაროელი მუშა გარშემორტყმულია ყოველნაირი მზრუნველობით: ბინით, კვებით და აბანოებით. აქ ის ეცნობა სხვადასხვა მხრიდან მოსულ მუშებს და მათთან ერთად საერთო საც-

ხოვრებელში ატარებს დროს. მისი გული სიამაყით საესეა, რადგან იცის, რომ ყველაფერი ეს მისი შრომის ნაყოფია და ახლა მასაც ზედა წილად ამ მიღწევით თვითონაც ისარგებლოს.

ორიოდე დღის შემდეგ მას დაუახლოვდებიან და დაუმეგობრდებიან მასთან ერთად ოთახში მოთავსებული ამხანაგები და ინტიმური გრძნობით შეკავშირდებიან. ისინი ერთად მიდიან აბანოში და ერთად სხდებიან სასადილოში. საღამოს, ვიდრე დაიძინებდნენ, ერთმანეთის წარსულს, თავგადასავალს და ოჯახურ მდგომარეობას ეცნობიან.

მაშინ გულწრფელია ყოველი მათგანი.

ამაყობით ერთმანეთს პირად ცხოვრების ამბებს გადასცემენ.

ჭიათურიდან მოსული მაღაროელი მუშა, ძველი პარტიულია. იგი ამაყობს იმით, რომ 1905 წელს, იგი კობას — სტალინს იცნობდა და მასთან ერთად, მისი ხელმძღვანელობით, მენშევიკებს ებრძოდა.

ეს ამბავი მას სხვის თვალში ამაღლებს და ისიც გულზვიადათა მოყვება ხოლმე სტალინთან შეხვედრას, გაცნობას და მენშევიკებთან ბრძოლას.

მეორე ამხანაგი საინტერესოა იმით, რომ ობლად დარჩენილმა, თავის შრომით და უნარით, სხვების დაუხმარებლათ, თვით გაირკვია ცხოვრების გზა და ახლა ორთქლმავალის მემანქანეა. იგი უპარტიოა, სინდისიერი და პატიოსანი მუშაკი, მუდამ მხიარული და ცხოვრებით კმაყოფილი.

მას ანეგდოტების გადმოცემა ეხერხება. ხშირად გარს შემოერტყმიან და არის სიცილ-ხარხარი.

მესამე — ქართლელი კოლმეურნეა. ამხანაგებთან კარგ განწყობილებაშია და მათ არ სცილდება, არც აბა-

ნოში, არც სასადილოში და არც საღმე გასეირნებში
დროს.

მეოთხე ახალგაზრდა — კომკავშირელია.

ოთხივე ერთ ოთახში ცხოვრობს. როცა ისინი აბანოში
წავლენ, მათ თან მიყვება მთელი წყება ამბანაგებისა,
რადგან ყველას უნდა ანეგდოტისტ მემანქანესთან ახლო
იყოს და ანეგდოტები მოისმინოს.

ხოლო აბანოში შესვლა ჯერ ადრეა, პირსახოცით მხარ-
ზე გადაგდებული დამსვენებლები ხეივანში დასეირნო-
ბენ, გრძელ სკამზე დამსხდარან და საუბრობენ. მაგრამ აქ
რალაა ხეივნის ბოლოში, სკამების გარშემო რომ დამდგა-
რან და რკალი გაუკეთებიათ?...

იქით ესწრაფვის ყველა. წრეს ეტანებიან. რკალი
ფართოვდება. ვინმე აჩქარებული მას გაარღვევს და მაშინ
იმას თვალწინ წარმოუდგება, გრძელ სკამზე მჯდარი,
ბრმა მომღერალი მოხუცი, ჩონგურით ხელში.

გამხდარი, მაღალი ტანის ხოსია ერთ დროს ფირალად
ნამყოფი, ახლა, ამ მოხუცობის დროს, ზაფხულსა და შე-
მოდგომაზე წყალტუბოს ეწვევა ხოლმე და თავის ლე-
ქსებით მოსულებს ართობს, მისთვის არავინ იშურებს
მანეთებს და ისიც, ჩონგურზე დამღერებით, ყველა წარ-
სულ დროთა ამბებს.

ხოლო ხოსიამ ერთი ეროტიული სიმღერაც იცის და
მსმენელებიც ხშირად ამ ლექსს მოსთხოვენ ხოლმე.

— ხოსია, ხოსია! ერთი რძალ-დედამთილის ამბავს
მოყევი!...

შეუკვეთავენ აქეთ-იქიდან. მაშინ სკამზე მსხდარი
ქალები წამოიშლებიან და ყურში თითებ დაცული
აქეთ-იქეთ გარბიან...

ახალგაზრდები კი ლექსით მხიარულდებიან, იცინიან
და ხოსიას აქეზებენ...



აბანოში შესასვლელი დროც მოახლოვდა, რიგი მო-
დის, რიგი მიდის.

პირველი ნომერი აბანო ყველაზე დიდია. უმრავლესობა იქით მიეშურება, ხოლო ჯერ აბანო მზათ არ არის. მოსამსახურენი და მოწყალების დები მას ასუფთავებენ, აბაზანიდან წყალს უშვებენ, ახალს აგუბებენ, ჰგვიან, სწმენდენ. მაგრამ კარზე მოწოლილი ავადმყოფები იჩქარიან — ყველას უნდა აბანოში ადრე ჩავიდეს, მოხერხებულ — მიჩნეულ ადგილზე გაწვეს და ამიტომ შექუჩებულან და ერთმანეთს აწვებიან. ზოგი იგინება, ილანძღება; ზოგი ხუმრობს და განზე გამდგარი შექუჩებულებს დასცინის, რომელიმე დაბალი ტანის ავადმყოფი, შეკრულ წრის მხრებსა და მუხლებში, უმწეოდ მოძრაობს...

კარი რომ გაიღება, შემჭიდროებული მხრები ერთი წამით გასასვლელში გაიჭედება და, როგორც ფარეხში შესვლის დროს ცხვრები, ისე შემსვლელნი გრძელ დერეფანში ერთმანეთს ახტებიან, მირბიან, ძირს ეცემათ და, გასახდელი ადგილის დასაკავებლად, ერთმანეთს ედავებიან.

გაშიშვლებული ტანით ავადმყოფნი აბაზანაში ჩაეშვებიან. დაწყნარებული, კედლებში მოქცეული თბილი წყალი, ცოტა ხნით ამოძრავდება, ტალღებს გაიკეთებს და ორთქლით სავსე დარბაზიც ახმაურდება. ხოლო როცა ყველაფერი დამშვიდდება, მაშინ წყლის ზედა პირზე გამოჩნდება აქა-იქ გაფანტული, გარინდული ქოჩრისანი თავები, ხოლო აუზში ჩაშვებული სხეული, წყლის ოდნავ რხევასთან ერთად, ხან გაგრძელდება და ხან ჯირკვიით შემოკლდება.

ახალ ნაკადის თბილი წყალი ტიტველ სხეულზე
თავის სასწაულო-მოქმედებას იწყებს. თეთრი წვრილი
მძივი ბუსუსებათ კანს ეხვევა. ლბილი, თბილი წყალი
სასიამოვნო ჟრუანტელ მომგვრელი ალერსით გარს გე-
ვლება, გამშვიდებს, გაწყნარებს.

აუზში წამოწოლილი ფიქრებშია გართული და წყლის
უებრო თვისებით აღფრთოვანებული...

ხოლო სიწყნარეს მალე კარზე კაკუნი არღვევს და
მოისმის — „ხუთმეტი წუთი!“..

„ნუთუ? განა ეს შესაძლებელია? როგორ გაივლიდა
ასე მალე 15 წუთი!... არა, ალბათ შეეშალათ!...“

და ის, ვისაც ხუთმეტი წუთი აქვს დანიშნული, წყლი-
დან ზანტად ამოდის და დერეფანში გადის ტანისამოსის
ჩასაცმელად.

ცოტა ხნის შემდეგ კვლავ გაისმის — „ოცი წუთი!...“

ზღაზვნით, ნელი ტემპით, ცურვით, ლაზღანდარობით
ამოდიან აუზიდან დანარჩენები და ახლა კი აუჩქარებლად
და ანეგდოტების მოყოლით დასასვენებელ ოთახში გა-
დიან, მერე კი ჯგუფებად პარკში დასეირნობენ...



ტრიალ მინდვრად დაცემულ პარკში, მდინარე წყალ-
ტუბოს ორივე მხარეს, გაფანტულია აბანოების დმთავრე-
ბული და ზოგიც დაუმთავრებელი შენობები.

დიდი აბანო, ანუ აბანო ნომერი პირველი, ყველაზე
პოპულიარულია. იგი ზეივნის პირდაპირ, როგორც ბატი
დაკეცილი ფრთებით, ისეა ჩამჯდარი დაბლობში. ვიდრე
თვით აბაზანაში შეხვიდოდეთ, თქვენ მოხვდებით მოსა-
ცდელ ოთახში, სადაც სუფთა და გადაფარებულ გრძელ
მაგიდაზე აწყვია გაზეთები. ამ ოთახიდან გახვალთ გრძელ

დერეფანში, ტანისამოსის ჩამოსაკიდებელით და საჯდომებით რომაა დაყოფილი. ხოლო აქედან უკვე ჩახვალთ წყლით სავსე მოზრდილ აუზში. მის სიღრმეში ჩაყრილია მსხვილი ხრეში და ზედ მოფენილია თლილი ქვა. ნაკადიც ამ ნატეხ ქვების სიღმრიდან მოიჩუხჩუხებს და თეთრი ბუშტებით და ღრუტუნით ავსებს დიდ აუზს.

ნააბანოების შემდეგ აუზი დაიცლება და კვლავ ნახევარი საათის შემდეგ — ვიდრე ერთი წყება ჩაიცვამდეს და მეორე გაიხდიდეს — აივსება ახალი ნაკადით.

ამნაირადგვა მოწყობილი მეორე ნომერი აბანო, ხოლო იგი პირველზე გაცილებით ნაკლებია, მესამე ნომერი კი სულ სხვა სისტემაზეა აგებული. აუზები აქ ყველა მოაბანოესათვის ცალცალკეა და ნაკადსაც მაშინ მოუშვებთ, როცა შიგ ჩაწევბით. ეს აბანო სახელგანთქმულია, რადგან ძალიან უხდება ნერვიულ ავადმყოფებს.

მესამე აბანოს დასავლეთ მხრისაკენ არის მაღალთეთრ-კედლებიანი ჰიგიენური აბანო, ხოლო მის გვერდით — ძველი, ჯერ კიდევ გამოუყენებელი, მეექვსე აბანო, რომელიც ყველა აბანოზე დიდია. იგი ჯერ კიდევ არაა ამოვსებული ხრეშით, ღრმაა და მდინარეთ ქცეული, წყალტუბოს ერთვის.

სულ წინათ ამ აბანოში ავადმყოფები თოკების საშუალებით ბანაობდნენ. მის ზედა პირზე გაბმულ თოკს აქეთ-იქით ნაპირებზე დაამაგრებდნენ და ავადმყოფიც მას გაყვებოდა ჯამბაზივით ხელებით ჩამოკიდებული და წყალში იმყოფებოდა ვიდრე არ დაიღლებოდა.

მეთოხე ნომერი და იქვე მის გვერდით „კუჭის წყალი“ ყველაზე პატარა აბანოა.

ხოლო იქვე, ახლო, მდინარეს მეორე მხარეს, არის ჯერ კიდევ გამოუყენებელი ნაკადი, რომელსაც გლეხებმა „თავის ტკივილის“ აბანო დაარქვეს.

სულ წყალტუბოში სამასამდე ნაკადია.

ამ ნაკადულებით სახელგანთქმული წყალტუბო უთუოდ მსოფლიო მნიშვნელობის კურორტია, მისი გამოკვლევა, მისი სიდიადე და მშენებლობა მხოლოდ საბჭოთა ხელისუფლების დროს განვითარდა, ხოლო ვინ მიაქცია ამ სასწაულ-მომქმედ წყლების თვისებებს პირველად ჯეროვანი ყურადღება—არავინ იცის! მხოლოდ გასაბჭოების შემდეგ წამოვიდნენ ამ კურორტზე ექიმები, მეცნიერები და შეისწავლეს ამ წყლების ადამიანზე მოქმედება.

წყალტუბოს წყლების განსაკუთრებული და შესანიშნავი თვისება არის ის, რომ მას გათბობა არ სჭირდება. კაცის ხელი არ ეკარება და ავადმყოფი უშუალოდ იღებს მას იმნაირს, როგორიც ამოდის მიწიდან.

კურორტის წყლები მსუბუქად მინერალიზებული წყლებია, რადიაქტივის თვისებებით. მათ მუდამ ერთი ტემპერატურა აქვთ, როგორც ზამთარში, ისე ზაფხულში, როგორც დილას, ისე საღამოს...

1926 წლიდან აქ აშენდა მთელი რიგი შენობები სანატორიუმები, კლინიკა, ჰიგიენური აბანო, სასტუმრო, კოოპერატივი და სხვადასხვა.

ქუთაისიდან გამოიყვანეს საავტომობილო გზატკეცილი, ააშენეს საცხოვრებელი სახლები, ელექტრო-სადგური და ელექტრონით გაანათეს ქუჩები. გაამშვენიერეს ბაღი, გააკეთეს პარკი, გაიყვანეს არხები და სხვადასხვა.

აგერ, პარკის ირგვლივ ორივე მხარეს რომ დაკარწახებული მუშები მიწას თხრიან და წერაქვებით ხელში ჭიანჭველასავით ერთმანეთში ირევიან, მათი მიზანია, მდნარე წყალტუბო საუკუნეობით შეჩვენულ კალაპოტიდან ამოაგდონ და არხში გაუშვან. იგი აქნამდის პარკს შუაში ჩაუდრიოდა, ახლა კი ნაპირებით ნელა გაიპარება

დაბლობისაკენ და თავის ამღვრეულ ცივ ტალღებს ვე-
ლარ შეუერთებს მინერალურ წყლების ნაკადებს. ამნა-
ირად, არხების საშუალებით, აბანოები დაცულ იქნები-
ან წვიმისა და მდინარის ამღვრეულ ნაკადებისაგან. ამის
გამო „გაცდენილი დღეები“ აღარ ჩაიწერება აბანოების
სამუშაო დღეებში.



წყალტუბოს ნაპირას, დიდ ქუჩას რომ სოფლას გზა
გამოყვება და აღმართისკენ შეუხვევს, მის გვერდით პა-
ტარა ტრიალ მინდორზე, ყოველ დღე მახლობელ სოფ-
ლებიდან გლეხებს ჩამოაქვთ სანოვაგე და საბანაოთ მო-
სულნიც აქეთ მიისწრაფიან.

ეს არის მათთვის გასართობი ადგილი.

მომხიბლელია წყალტუბოს ბაზარი შემოდგომით...
ტკბილია იგი, აფერადებულია და დამატრობელი...

მოკალათებულ თავშლიან დედაკაცს კალათზე გაუ-
წყვია თეთრ-წითელა კბილებით პირდია, ბროწეულები
და იქვე შეუჭჩეხებია ყვითელი კომშები. ჯამში ჩაუყრიან
მელანივით შავი ყურწიანი ლეღვები, გამსკდარი ნაპრა-
ლით, ქალიშვილის ტუჩებს რომ მოგაგონებთ.

პატარა ბავშს, გაფითრებულს და ფეხშიშველას, ხელ-
ში უკავია ჯერ კიდევ მწვანე ფოთლებით შემოფარგლუ-
ლი ყურძნის აკიდოები.

ქაღარიტ მოსილ, წვერულვაშით გაბარდნილ მოხუცს,
დახეულ ჩოხით და ყალიონით ხელში, გვერდით მოუ-
დგამს ხურჯინი, ხოლო ხურჯინში ჩადგმულ დიდი დო-
ქიდან ჩუხჩუხით ამოდის ტკბილი მაჭარი...

არეულ ჯგუფებში დადიან დაშვენებლები და ხან
ერთს და ხან მეორე ადგილას შეჩერდებიან. პატარა გო-

გოს თბილ ჭადსა და ჭყლინტ ყველს გამოართმევნ იქვე-ზეზეულად მოხუცის მაჭარს ზედ დააყოლებენ...

მოსული ქალები უფრო ტკბილეულობას ეტანებიან და მართლაც ვერსად ვერ იგემებთ ისეთ ლბილსა და თაფლივით ტკბილ ლედვს, როგორც — წყალტუბოში — ქარვასავით ყვითელ ყურძნის აკიდოს, სიტკბოსაგან რომ თითებს წებოსავით ერთმანეთს მიაკრობს, ფელამუშს და ჩურჩხელებს...

გახედავთ ამ არეულ ბაზარს, რომლის მოწყობილობა ორი გრძელი ფარდულითაა შემოფარგლული, გაივლით ატალახიანებულ ბილიკებს და გიკვირთ — რატომ არ არის იგი მოწყობილი უფრო უკეთესად და კულტურულად...

ბაზარი კი ყოველდღე სავსეა ხალხით, მოტანილია დამსვენებელთათვის საჭირო სანოვაგე — ყველი, ჭადი, მწვანილი, მოხარშული ქათამი, ღორის ხორცი, ხილეულობა და სხვა...

აბანოებზე მოსულნი ყოველდღე მიდიან ბაზარზე, მიდამოებს მოივლიან, სტალაქტიურ გვირაბსაც ინახულენ — შენ და ორი კვირის შემდეგ — განკურნებულ დასვენებულის, კვლავ საგზაო ავტომობილებით მიჰქრიან ქუთაისისკენ, იქიდან კი ახალი დამსვენებლები — წყალტუბოსაკენ...

წყალტუბო მოგაგალო

სწრაფი ელექტრო მატარებელი „მოსკოვი — წყალტუბო“, გაპრიალებული ფანჯრებით, წყალტუბოს სადგურზე უცბად შეჩერდება. მაღალი, ყვითლად შეღებილი, ელექტრო-მაგალი, სირინოზის საყვირით, მიწყნარებულ მიდამოს შეახმაურებს და ბორბლების ტრიალსაც შეაჩერებს.

სადგურის აყირავებული ბაქანი გრძელი ვაგონების ჩრდილებით დაბინდდება. სწრაფად გაღებულ კარებებიდან კალათებით და ჩანთებით მგზავრები ჩამოცვივდებიან. ფაცა-ფუცით და სიჩქარით სადგურს გაივლიან და მის მეორე მხარეს გამწკრივებულ ავტობუსებში, ტრამვაის ვაგონებში და მოტოციკლებში სხდებიან, ვინაიდან სადგური აბანოებიდან დაცილებულია ერთი კილომეტრით.

ასფალტით მოკირწყლულ გზატკეცილზე მისრიალებს უცხო სტუმრებით დატვირთული ავტო. ახლა წყალტუბოში სტუმრებად მიდის, როგორც საბჭოთა კავშირის შორეულ კუთხიდან, ისე საზღვარგარეთის სხვადასხვა კუთხეებიდან და სასტუმრო „ინტერნაციონალის“ სამგზავრო გრძელ ავტოში სხედან, როგორც გერმანელი, ისე ფრანგი, ინგლისელი ამხანაგები.

უცხოელმა სტუმრებმა გამოიარეს საბჭოთა ქვეყნების ველები, კოლმეურნეთა მიწები, ინდუსტრიალური ქალაქები, და როცა საქართველოში შემოვიდნენ და მას მთავორაკიან მიხვეულებს ჩქარი მატარებლიდან დააკვირდნენ, როცა სამეგრელოს დაბლობში სწრაფად მიმავალ მატარებლის ფანჯრებიდან ციტრუსოვან ყვითელ ფერებით შემკულ ბაღნარებს, მანდარინის, ლიმონის, ფორთოხლის და ჩაის ეზოებს თვალი მოჰკრეს—სილამაზის დიადობამ მოიცო მათი ყურადღება. ხოლო გაოცების საზღვარს სცილდებოდა მათი აღტაცება, როცა ხედავდნენ ამ, ადამიანის შრომასთან შეერთებულ, ბუნების სიძლიერეს. მატარებელი მიჰქროდა და უკან სტოვებდა შორი-შორს გაფანტულ ფართე ეზოებიან ოდებს, ყანებს, დაბლობებს და რკინის გზის პატარა სადგურებს. ხოლო, როცა ისინი გასწრაფებულ ავტომობილით წყალტუბოს გარს უვლიდნენ, როცა მორკალული ასფალტიანი გზა-ტკეცილი შუ-

აში სტოვებდა ხეივნებითა და ბილიკებით დასერილს, თუ-
თორი ბატებივით ჩაქოქებულ აბანოს შენობებს, გვერდზე
კი, სამ-ოთხ სართულიან სანატორიუმებს და სასტუმრო-
ებს, როცა ისინი ხედავდნენ, თუ პატარა თეთრი ქალაქი
ორი გაცემენტებული არხით, როგორ ირკალებოდა აბა-
ნოების გარშემო, გორაკები და შორეული მთები კი გზის
სხივებით გაცისკროვნებული რაგინდ-რა ფერით იღებე-
ბოდნენ, და ციალობდნენ,—უცხოელი სტუმრები აღტაცები-
საგან თავს ველარ იკავებდნენ და ხმამაღლა გაიძახოდნენ:
„Aber Colossal Wunderbar schön!.. Genosse, cama-
rades!“.. *) — გაისმოდა უცხოელი ლაპარაკი, უცხოელი
სტუმრებისა.

და როცა სტუმრები სასტუმროში მოეწყობიან, როცა
მომსახურებობას მათ უცხო ენაზე გაუწევენ, როცა ისინი
დაინახავენ გემოიანად მოწყობილ ოთახებს, წესრიგს, სი-
სუფთავეს და სილამაზეს, აღტაცებით მოელიან ქებულ
აბანოებში ჩასვლას და თბილი წყლების ღბილ ტალღე-
ბის შეხებას.

ხოლო აგერ რადიო აღაპარაკდა. იგი ქართულ ენაზე
მოუხმობს ახალ მოსულებს, თუ როგორი წესით, რომელ
საათზე და რომელ აბანოში ჩავლენ აბანოების მისაღე-
ბად. იგივეს რადიო გაიმეორებს რუსულ ენაზე, მაგრამ
უცხოელ სტუმრების გაოცებას საზღვარი არა აქვს, როცა
მათ შემოესმის ფრანგულ ენაზე გადმოცემული წესი და
რიგი აბანოების მოხმარებისა.

ახლა წყალტუბო მსოფლიო კურორტია და ყველაფე-
რი, — წარწერები, რადიოს გადაცემა, ლექციები წყალ-

*) დიდებულია! საოცნებო სილამაზეა! ამხანაგებო!.. ამხა-
ნაგებო!..

ტუბოს წყლების თვისებების შესახებ — სამ ენაზე სრულ
დაბა — ქართულ, რუსულ და ფრანგულზე.



წყალტუბო მსოფლიო სოციალისტური კურორტია. ყველა მისი ნაკადები უკვე გამოყენებულია და დიდი პარკის ზეივანში გაფანტულია ორმოცამდე აბანო. ახლად აშენებული აბანოები აგებულია ახალი პრინციპით: ავადმყოფი აბაზანაში ჩადის მარტო. თბილი წყალი მის სხეულს ეალერსება სრულ მყუდროებაში, ხოლო აბაზანის მიღების დროს რადიოთი წყლების მნიშვნელობის შესახებ გადმოცემული ლექციები ატკბობს მის სმენელებას ოცი წუთის განმავლობაში.

ალარ არის კარებში ჭედვა შემჭიდროებული მხრებით, სირბილი და ტანთ გასახდელ ადგილის გამო დავა და ჩხუბი, რადგან ყველას თავისი დრო და ადგილი აქვს მიჩნეული.

დიდ პარკში გაშენებულია ხეივნები, ბილიკები, და გარშემორტყმულია მუდმივ მწვანე ხეებით. ამ ხეებით მოფენილ პარკში ისე მოსჩანს აბანოების თეთრი შენობები, როგორც ტყეში გაფანტული სოკოები.

პარკი ცხენის ნალივით შემორკალულია მდინარე წყალტუბოს ორი არხით და განიერი ფართე გზატკეცილით, დასავლეთის მხრივ, რკინის გზის სადგურზე, ელექტრო-მატარებელი სირინოზის ხმით შეარხევს წყალტუბოს მიდამოს და დიდ გზაზე ამოძრავდებიან ტრამვაის ვაგონები, ავტომობილები, მოტოციკლები და ეტლები...

ამავე გზატკეცილების გარშემო გაშენებულია ახალი სასტუმროები, სანატორიუმები, კლინიკები, საცხოვრებ-

ლი სახლები, კოოპერატივები, სასადილოები, რესტორანები და სხვა... პარკში კი, ხეების ტოტების ქვეშ, გაშენებულია საზაფხულო კურხალი.

წყალტუბო — ბროწეულა რკინის გზის გარდა — ქუთაისამდე გაყვანილია ტრამვაის ლიანდაგი და ამით შესაძლებელი ხდება, აბაზანის მიღების შემდეგ, დახურულ თბილ ტრამვაის ვაგონით, ოც წუთში, ჩაზვიდე ქუთაისში და კვლავ აბაზანის მისაღებად ამოხვიდეთ იმავე გზით. და ამნაირად არ გაცდინოთ თქვენი სამუშაო დღე ქუთაისში.

კურორტი წყალტუბო პატარა კოხტა ქალაქია და სამკურნალოდ მოსული, ავადმყოფებით ახმაურებული, ჰემარიტად ინტერნაციონალური კურორტის შთაბეჭდილებას ახდენს, რადგან მოსეირნეთა შორის ლაპარაკი სულ სხვა და სხვა ენაზე მოისმის.

რომელიმე მახლობელ გორაკიდან კურორტს რომ გადახედავთ — იგი ზღაპრულ ქალაქს მოგაგონებს თავისი კრიალა თეთრი და ლაზათიანი შენობებით. ეს სილამაზე ორკეცდება ღამით, როცა ელექტრონის სინათლე უხვად მოეფინება ხეივანს და ტოტების ჩრდილში გამოპარული მისი შუქი ჩუქურთმებად აციალდება თეთრად გატკეცილ ბილიკზე...

ხეივანის სხვადასხვა ნაწილი სხვადასხვა ფერით არის გაბზინებული: ჯგუფი ნაძვის ხეებისა იის ფერით ინაზება, მეორე ადგილი წითელი ფერით გაბრწყინებულია და სხვაგან კიდევ ძლიერი ელექტრონის შუქით გაელვარებულია. ხეივანში მოსეირნეთა სახეები ხან გათეთრდება, ხან გაწითლდება და ხან გაფითრდება.

სანატორიუმები და სასტუმროები რკალად გარს შემორტყმია ნაკადებს. შუაში მომწყვდეულია აბანოს შენობები და ნაძვნარის ხეივნები.

ახლა აბანოთა რიცხვი გამრავლებულია. ოცი ათასამდე მოსული ავადმყოფი იკურნება მის წყლებში და ეს ოცი ათასი ყოველ თვე იცვლება.

კურორტი წყალტუბო ბურთივით ჩაგორებულა დაბლობში და იქ გაშლილა პატარა თეთრ ქალაქად. მაკეტივით ლამაზი, თეთრი შენობებით და მწვანე ხეივნებით დაღარული, — ციალობს და კიაფობს მთაგორაკების ლანდშაპტზე.

ერთ დროს გლეხების აბანოთ წოდებული წყალტუბო, ახლა მსოფლიო კურორტად გადაქცეულა, ხოლო კოლმეურნე სოფლის მომუშავეთათვის ცალკე დიდი სახლი აგებულა. ახლაც დიდი უმრავლესობით მოსულან ისინი აბანოებზე და კვლავ, შემოდგომით, ზაფხულის ნამუშევრობის შემდეგ, აქ ისვენებენ და ქარებისაგან იკურნებიან. და ყოფილ გლეხებს ვერაფრით გამოარჩევ ქალაქის მუშისაგან, — ვერც გარეგნობით და ვერც კულტურული დონით.

იგი ახლა წელში გასწორებული, თვალეზ გაბრწყინებული, ლაღი და გამარჯვებული, ურმით კი აღარ მოდის წყლებზე, არამედ კოლმეურნეობის ავტომობილით, სოფლური გზებისთვის რომაა შეწყობილი, — ჩამოსვამს მას სოფლის მუშათა სახლის წინ.

მაშინ მას გარს შემოხვევიან თეთრ ტანისამოსში გამოწყობილი მოწყალების დები, ექიმის თანაშემწეები, სანიტარები, ექიმები და გასინჯვისა, საცვლების გამოცვლისა და ლოგინის მიცემის შემდეგ — გაისტუმრებენ მოსაცდელ ოთახში.

აქ თავმოყრილია საქართველოს ყოველ კუთხიდან მოსული კოლმეურნეები — დიდ დარბაზში გამოფენილია წყალტუბოს სხვადასხვა კუთხის სურათები — შენო-

ბები, აბანოები და ხეივნები. აგრეთვე საქართველოს სხვა კურორტების ლანდშაფტები. მოსულები სურათებს ათვალიერებენ, ერთმანეთს ეცნობიან, საუბრობენ...

ხოლო აგერ კუთხეში ზის შუა ხნის კოლმეურნე, ჩამჯდარი კისრით, დაბალი ტანით.

— სადაური ხარ, ძმობილო? — შეეკითხება მას ერთი მოსულთაგანი. და ტყობილობს, რომ იგი ქართლიდანაა სამკურნალოდ ჩამოსული.

— ერთი ეს მითხარი, შენი ჭირიმე, ე აბანოში როდისღა წავალთ? — შეეკითხება თავის მზრივ ქართლელი.

— აი მალე, რადიოთი შეგვატყობინებენ!. პირველათ ხართ წყალტუბოში?

— პირველათ გახლავართ, შენი ჭირიმე!

— რითი ხარ დაავადებული?

— ქარებით! მომკლა კაცი და გამათავა ამ ტიელმა! მიშველის რამესა ეს წყალტუბო?

— როგორ არა, როგორ არა!... შენ კი არა მისთანები მინახავს აქ კუთათ მოსულები და მორჩენილები, რომ ამას ვერაფერს წარმოიდგენდა!

ლაპარაკის დროს უეცრად ჰაერს გააღრვევს საიდანაც მოვარდნილი რადიოს ხმები. ყველა ყურებს წალურსმავს და გაიგებს, რომ ხუთი წუთის შემდეგ სოფლის მუშათა სახლიდან ავადმყოფები პირველ ნომერ აბანოში წავლენ.

და როდესაც ქართლელი კოლმეურნე აბანოში მივა, ტანთ გაიხდის და ნაკადში ჩაწვება, როცა წყლის ტალღები-მის სხეულს ხავერდივით თბილად და ლბილად გარს შემოევლება, როცა ჟღერტულით ამონადენი ბურთები მკლავებსა და ზურგს მოედუტუნება, სხეულში კი სიამის ჟრჟოლა დაუვლის, — მაშინ ის იგრძნობს რომ ეს წყალი მას უსათუოდ განკურნავს. და შემდეგ, როცა და-

მაჯერებელი ბარიტონის ხმით რადიოთი გადმოცემული ლექცია, წყალტუბოს წყლების თვისების შესახებ, ასე შესძის, თითქო ზღაპარს უამბობდეს ვინმე — ის გაიგებს, როგორ უნდა ისარგებლოს აბანოთი, როგორ წესიერად და მშვიდად უნდა იყოს გაწოლილი ზურგზე, რამდენ წუთს უნდა დარჩეს წყალში და სხვა — მაშინ მიხვდება, რომ მის შრომას და ჯაფას ფუჭად არ ჩაუვლია, რომ მისთვისაც ზრუნავს საბჭოთა ხელისუფლება და სასურველ პირობებს უქმნის განსაკუთრებლად და დასასვენებლად. დაამებული და თვალზე გაბრწყინებული ამხანაგს გადახედავს და სიამით ეტყვის — „რა კარგია, რა კარგი ცხოვრება, ამხანაგო!...“

კულტურული და ფიზიკური მკურნალობა მის სხეულს აიაზმად ეპყურება.

ხოლო, როცა ოცი წუთის შემდეგ, მას რადიოთი შეატყობინებენ, რომ უკვე დროა აბაზანიდან ამოვიდეს, ტანი შეიმშრალოს და ჩაიცვას — მას განძრევა დაეზარება, თბილ წყალს ვეღარ მოსცილდება და წაიბურტყუნებს — „რა მალე გავიდა ოცი წუთი ე ვერანაი, ესა!...“

ზღაზვნით აბანოდან მაინც ამოდის, დაჩრდილულ ხეივანით სახლში მიდის და დასასვენებლად თავის ლოგინზე წამოწვება. კვლავ რადიოთი გადმოცემული კონცერტი მის სმენას დაატკბობს, მიუთალერესებს და საამო ჰანგებით მიაძინებს.

ერთი საათ ნახევრის შემდეგ მას ზარის ხმა გააღვიძებს და იგივე რადიო ყურში ჩასძახებს —

„ამხანაგებო, ამხანაგებო!... ადექით! სასადილოში ჩამობრძანდით, საუზმე მიირთვით“..

სასადილოს გრძელ მაგიდაზე გაშლილია თეთრი სუფრა და შემომწყრივებულია თევზებით, კოვზებით და დანაჩანგლით.

სუფრაზე აწყვია — ყველი, კარაქი, ხიზილალა, თეთ-
რი პური, შაქარი, მურაბა, კვერცხი და სხვა.

— რას მიირთმევთ ამხანაგო? — შეეკითხა თავზე
მდგარი მოწყალეების და.

— რა ვიცი აბა, რასაც მომიტანთ, იმას მივირთმევ!

— არის კაკაო, ყავა, ბივშტექსი, ერბო-კვერცხი
და სხვა...

— მოიტა ი რალაც კაკაოა! — უბასუხებს ქართლელი
კოლმეურნე და ახლა სავსებით დაკმაყოფილებული, მე-
დიდურად გადახედავს ამხანაგებს.

— საუზმის შემდეგ ექსკურსიაა, ამხანაგო, წამო-
ხვალთ? — ეუბნება მას გვერდში მჯდომი.

— წამოვალ მა რა, აბა რატომაც არ წამოვალ?

თუმცა სიტყვა ექსკურსია მას ვერ გაუგია, ხოლო
თუ წასასვლელია სადმე და სხვებიც წავლენ, ის რატო-
მაც აღარ წავა?...

ექსკურსიაზე წასვლისას ყველაზე ძლიერ განცვიფრე-
ბული ისევ უცხოელი სტუმრები რჩებიან.

როცა მათ გიდი ჭასავით ამოთხრილ სიღრმეში ჩაი-
ყვანს და იქ მიწის ქვეშა მიმდინარე წყალს აჩვენებს,
როცა მთის ძირში მიმავალ მდინარეს ანახვენს — მათ გა-
ოცებას საზღვარი არ აქვს.

ხოლო როცა ისინი სტალაქტიურ გამოქვაბულში შევ-
ლენ, რომელიც ახლა ელექტრონით არის განათებული და
სხვადასხვა ფერის შუშები მარმარილოს ფიგურებს ზოაპ-
რული სილამაზით აშუქებს — მაშინ უცხოელებს კვლავ
შეუკავებლათ აღმოხდებათ — „Aber colossal!“

586/16
პარლამენტის ეროვნული ბიბლიოთეკა



K 12.686/2